

gaga agwida wāluksha apostlest ga shimt:

3 Gwailth kshgaugum wilai shim, gū dum gutgoiduksha hūkanaga shgatgum giada dit a zida ltha kshat-kulan dalth sha a dum na gashgatg ga dit, dumt lūliyaka lip ganahagaum dit,

4 Ada dum hou dit, N'dalth walth na ēshk ga dalth dum goiduksht? āwil shganaksh dida lakshtoiyagush da ganiatk ga, da, ada ltha ligi wila wāl tkāni gau na wāl dida wāt k ga dida wilshidatk ga n'zapsha halizogut.

5 Awil gup hashak dida dum lūyū gwa, gū n' lthā gup wansh ga lakāga, ada na shagait gū'untk ga yōba da wāt k ga dida zum akshit, dilt shpagait akshit: ash ga na algiaksh ga Shimoigiat ga Lakāga gunwāt ga.

6 Nini na gun gik wāsh ga halizok ga nha dhāt ga, at ligiakshk ga da akshit, ada gwāt k ga dit:

7 Wai, al lakā hūwan dit gīaōn, dilt halizogut, lthānish ga algiak ga gun habilbaultk ga dit a laga dumt in wilāgwa dit, a dakdoksha didhash ga dum wil lūgwāntk gish ga halidap ga, dilt dum wil lūgaguntk ga whati gagigiengwaklthum giadit.

8 Ada al gilau ma za shim lūyū gwa, shipsheibun, gūt hoigiak da gūel da sha gūel da thousanda gaulthit ash ga Miyān ga, adat hoigiak da gūel da thousanda gaultha gūel da shat.

9 Althga dī gup lāltk gish ga Miyān gulth wila wāsh ga na ēshk gut ga, za niwālda shūwāda nagazaou giada dalth lāltk; gup dīk gaud dida gwashim, althga hashak dalth dum gwāt k gish ligit nā, yagai dum gelukshataitksha tkāni dit.

10 Ada al dum hoigiagushk ga na shāt k gish ga Miyān ga wil goiduksha hūkālaga dit: nini dum da wi

kshtāmuksh ga dum wil zipzibsh ga lakāga, ada dumt zilzilukshint ga wilekshum gīamuk ga na gun dakdoi-yuksha ga, ada dum zipzibulga halizogut dilt hakhalthalsha liwālda dit.

11 Wai, wil tkāni gau gwai dum zilziluksha dit, n'dalth dum yagai shim gup wila gīgiatk shim ā dum ama dildōlsha shimt dilt hoigiagum gīgiengwaklthit.

12 A dum bōishk ga shim, dilt dum sha-malashk ga shim gish ga dum wil goiduksh ga na shāt k gish ga Shimoigiat ga Lakāga, gū dum gun golsh ga Lakāga zida ltha gwalukt, ada dumt zilzilukshint ga wilekshum gīamuk ga gundakdoi-yuksha ga?

13 Ada al nabōishk gum da shū laklakāt, dilt shū halizogut, gu wil lūhokshk ga hoigiaga dit, niwāt k ga na ēshk gut ga.

14 Gunwāl shim, shipsheibun, wil na bōishk ga shimiya gau gwa, gun lngou'unshk ga shim dum wil witwāt k ga shim da shpagait giakshit, dum wha nahakhokshk ga shim dilt dum wha bukbaklth wāt k ga shim gish ga zalt ga.

15 Ada ma shim shūwādash ga wil dīk gaudsh ga Miyānum gulth gunli-mautk; niwālda nha dī dam shiebum waigiumt Paul da gwashim, niwāt k ga gunwilgaushk gaga nha ginamtk gut gish niat:

16 Gik hou dida tkāni na shāōnshk ga dit, at lihakhokshim gwayat: wil hakhokshk ga nagazaou gau dauklthk ga dum wilgaidik ga dit, gū libagait liplibīl whati wilwilaigilsha dit dilt wha shimgit gāgaud ga dit, gikt wilāgwa nagazaou da N'lthōdukshum Damishit dum lip gunlūgāk dit.

17 Gun wāl shim, shipsheibun, ltha ma shim wil gwildum wilai gwaya na gauk dit, ām shim nishp ozat, gau da gāgaud shim na yāmgushk